

尊如彼億數諸菩薩等發是法言佛陀佛陀
者彼於是中見何義故而諸菩薩三稱佛名
善哉世尊是佛名義我等樂聞世尊一切衆
生惟知言佛而竟不知佛者是何何故名佛
佛爲何句如是等義願爲解釋令諸聞者獲
大功德

明
史

上足閼反也

大法炬陀羅尼經卷第十二

短二

隋北天竺三藏法師闍那崛多等譯

問等覺品第二十八
三昧因品第二十九

問等覺品第二十八

阿難爾時眉間白毫梵天白放光如來言世

爲佛陀

積砂大藏經

大法炬陀羅尼經

時彼梵天復白佛言汝尊更有何義而名爲佛佛言梵天諸佛世尊有一法門名曰觀三世輪彼應先覺既覺知已然後解說云何解說所謂不著過去世也云何不著能斷三世一切障礙故名不著是諸衆生不覺知故便爲障礙彼等衆生與欲和合是故有著又以愛著希望分別即生憶念彼憶念時不能清洋洋云何名爲不清淨也此法應覺而不能覺不能覺故即成昏睡若昏睡者別名不覺彼於睡時更起夢想夢見覺時所作衆事凡是一過去所經歷處了了分明知如是夢心不知是夢但謂是覺所作皆真因此復生未曾有想未曾有想即是亂心以亂心故便致損害是故如來見諸衆生沒在煩惱深重睡中求被昏蔽無有覺期即起悲念我當云何令彼衆生得免斯害我今惟以所覺一法覺彼衆生害自除耳如是念已次第爲說教授之法梵天是爲第二以覺義故稱言佛陀梵天何等

短二

七

名爲第三覺法此爲示現未來未作相故如過去事如是曾有如是處所如是父母乃至如是名姓等如是有故云何名爲未來有也以彼但有言說相故若有言說則便具足有爲諸行如來覺彼故說未來有爲具足便成障礙汝等於中莫造如是十二緣分彼因緣分是分別法如來覺已爲他解說梵天是爲第三以覺法故稱言佛陀云何名爲現在世事謂說現在色示現過去未來故云何爲說現在世也此現在世不可得見云何不可見所謂是處但有名云此是色不可見故而亦名爲見云何名見見即不見故以是因緣此現在世無有邊際可得見也所言名者亦不可見無苦衆生故彼亦是無云何無也是中但有數故彼迦羅遷等諸大無所有云何無所有於剎那間有爲諸行無住處故何以故若彼迦羅遷住處經七日即名額浮陀如是次第七日一數乃至滿足九月在胎住處是

故如來略說斯事一切聲聞辟支佛尚不能知何況世間一切凡夫此諸衆生本所不知未曾行處故如是此中迦羅邏住處事等今當更說於母胎中時念念不住以不住故即生即老即死即墮以不住故即於彼彼生處受生如彼所造有爲諸行世間衆生迷惑覆

短二

三

故本無迦羅邏處言見迦羅邏本無額浮陀處言有額浮陀彼所造作有爲諸行既無云何得說有名字也如是乃至一切諸佛世尊所有菩提法皆亦不可說梵天諸佛世尊應供正徧覺過去心願力亦無住處未來教法彼亦無住處乃至今者我及一切諸如來應供正徧覺皆在無量無邊世界中現住說法梵天如是現在諸佛世尊所有教法當知亦無住處可得何況此四大身之所住處而可說也如是諸法生處出處皆不可知梵天諸佛世尊分別法義為他演說是中一切世間衆生見彼言說即生執著云何見著諸凡夫

人作如是念唯有如來能得覺法然而彼等不作斯念是中如來何所覺也其有三十七助菩提法如來如是覺耶為如凡夫所見見有我見有人見有衆生有壽命有丈夫有作者有受者乃至見有陰界諸入如斯覺耶復次梵天於彼無生法中誰爲能覺誰受覺者梵天若佛如來作如是念我覺諸法我得諸法是則如來不捨我見梵天是故如來不覺一法亦不得一法梵天如來惟以具足大慈見諸衆生墮彼無明大黑闇中欲淨衆生心智垢故引譬喻方便示現說法名字句衆拔除世間令出生死故以諸譬喻方便爲說終不令彼執著過去未來現在三世事也梵天若彼衆生不著三世既不著已即於如是真實法中立無我行既證無我不復退還夫退還者所謂於彼三世之中往來輪轉也梵天彼諸衆生妄分別時作如斯念此過去此未來比現在彼若如是妄分別已則不捨我執

若有我執於三世中多起妄見是故決定於一切處應捨我想何以故若有執著名爲愚癡以愚癡故爲他所縛梵天譬如網鳥之人布食於地諸鳥彼時爲食來下如是衆鳥以食喪命如是梵天若人不知證出三世是人長夜自受殃苦亦復損他何以故如彼諸鳥

短二

四

仁

以少食故遭遇大殃如是如是有諸衆生躬在我前承事供養而亦不知我說何法爲誰說法何處說法然彼於此可說聞法尚不能知何能知彼不可聞說究竟涅槃是故要當發大精進熾然願求然後能於如來所說方便密法可得知解

大法炬陀羅尼經三昧因緣第二十九

佛告阿難時天帝釋白彼放光如來言世尊何因何緣先此億數諸菩薩等請問法門如來不即爲其解釋因此詣於祭火王園如來世尊住其所趣而亦獲斯大利益也爾時放光如來告天帝言橋尸迦汝問何因

緣故彼諸善薩請問法已如來不即爲解說者汝等諦聽以彼菩薩往有所願乃於如是無礙行處生不信心以是因緣我先令彼諸菩薩等詣王園林入大禪定自思法門何以故橋尸迦彼諸菩薩已於過去經十四億諸如來應供正徧覺所修行供養彼所作事諸菩薩等以三昧力明了見知既念知已觀諸世間唯有如是生老死墮移處轉生彼諸菩薩於十四億諸如來所請行法時亦有壞信諸菩薩等以好爲惡起願行故今處地獄仍受重殃諸菩薩等覩斯事故心生大恐既恐怖已於有爲法發厭離心咸作是言嗚呼世間大苦我從昔來耽樂懈怠不信如來謗毀法僧多興惡業無事不爲以是惡故將恐同彼往昔菩薩於十四億諸如來所生不信心惡行菩薩墮地獄中願勿令我受如是法亦勿令我墮不信地彼諸菩薩發是願已於如來所正信不壞發歡喜心發是心已即得住

短二

五

於不退地忍

時天帝釋復白彼佛言世尊斯諸菩薩從何處所能生是智知見往昔十四億數諸如來所修行事也

佛告天帝釋是大智聚還是如來之所顯示云何顯示於彼如來應供正徧覺入於師子奮迅定時佛神力故令諸衆生咸得寂定發生知見皆觀過去所經諸事彼等由是三昧力故即得破除無明穀藏如師子王大鳴吼時悉能驚怖一切禽獸無間強弱若行若住聞彼吼聲各藏巖穴譬如雲霧徧滿虛空大風一起須臾磨滅爾時空中所有諸星乃至微小一切皆現月輪明朗威光普照如是憍尸迦如來入此師子三昧爲諸衆生一切無知無明藏聚自外諸餘所有煩惱莫不咸作破滅因緣昔來所造一切善根自然清淨無復煩惱咸皆緣此三昧力故

爾時天帝釋復白彼佛言世尊我等樂聞彼

諸菩薩林下所入三昧名字惟願解說我當受持

爾時佛告天帝釋言憍尸迦汝今諦聽善思念之我爲汝說諸菩薩等三昧名字力無畏等憍尸迦諸菩薩等彼時所得三昧有三種決定斷疑何等爲三所謂入世間巧方便三昧即初住大乘菩薩三昧初憶念時後成就時轉寬大時天帝釋復言世尊云何名爲入世間巧方便三昧

佛告天帝釋言憍尸迦有菩薩摩訶薩入一三昧名曰淳至以彼三昧力故如是三種方便業藏可得證知是中入世間巧方便三昧

短二

六

三然後復入三教業藏見一切法同於虛空言世間者所謂世間衆生所行作處往來處輪轉處著我行處著我所行處著衆生行處著有無行處昔來所作或裸露形體或熟時重覆或觀天變或察地動或占日月或視星辰或相人形貌或往還良日諸如是等妄說

吉凶或習世間禮儀書數筭曆一切技藝或行況術祕方工巧種種事業或賣賈往來爲他使命或其他語議好爲諍論或所不應說輒即出言或棄正思惟起諸惡覺如是等事名世間也其有菩薩初住乘者隨順世間所行事業一心專念相續不斷亦如絲縷無有

絕時以不斷故沉溺我想於我想中專心執持分別如是世間諸事既分別已即於菩薩荷負事中深生恐怖以恐怖故諸佛世尊即便放捨不爲說法憍尸迦如來云何不爲其說以諸凡夫種種受身彼等受時爲愛所縛世間之事無所不爲放逸亂心造諸逆罪以造逆故惡業具足是故如來不爲其說憍尸迦以是因緣諸佛如來應供正徧覺不記是人當來作佛憍尸迦彼愚癡人無知無解殺父害母及餘重障佛法僧所憍慢放逸耽著我想癡如小兒彼作是已佛不爲說憍尸迦汝今當知非佛世尊於衆生所有秘密心而

不爲說復次憍尸迦如是三昧於三言教阿字爲初然後方顯四十二句阿字初句五五爲分其四十一句一切名字展轉相呼當如是知憍尸迦譬如羊毛入諸染色隨所分處得種種名或青或白或赤或黃或絳或紫或同頗梨如是諸色隨本受名如是憍尸迦是

中阿字於一切語言最爲初首餘四十二字隨助音句和合莊嚴攝持比類轉生諸字與諸語言辭辯相應勢力清淨眷屬相著彼等皆攝阿字門中憍尸迦是爲世間語言成就法亦能巧成世間三昧雖曰三昧猶是退法以退法故但損滅心心損滅故不能牢固成就諸根根不成故不能勇猛發勤精進以精進根不成就故則不能荷菩薩重擔而亦不能說法教化得三昧時設能成彼世間諸事然出離者不須常修復次憍尸迦更有三昧名通達法界唯不退轉菩薩摩訶薩於三世中皆能成就云何名爲通達法界如是菩薩

因此三昧得念智力名曰斷滌知此大地最極下際住於水上皆皆柔軟破壞分裂有空缺故更以餘種山石相依合和成地如是中間無空缺處以得清淨熏修知見力無畏等故於地界中無有障礙皆悉能作種種神通一彈指頃能於大地出沒往來橋尸迦譬如

城邑聚落之外有大水池於春夏日多諸女人入是池中遊戲澡浴彼於水中或出或沒或往或來自在無礙如是橋尸迦菩薩得此通達法界勝三昧時以神通力於大地中出沒自在亦復如是然彼心初不取地相唯念風輪而亦無有風輪相想彼菩薩變化自身亦復如是無有著處而見其身住在空中如是觀已即於其間飛騰虛空然後化作微塵之身徧滿虛空人眼不見彼風輪界持心亦徧轉更增闊一切如風身雖不現然是化身滿彼空中作虛空想雖於此身作虛空想而終不離諸界覺知如是知已住於虛空住虛

短二

八

空已念無法想亦無爲他現身相想是故復能以彼多身合爲一身又能徹過山右牆壁無有障礙亦能履空如地於虛空中行住坐卧具足如是種種神通菩薩復念所有水界知彼水界本所住處因彼水界復始是知此身亦爾如彼水界有如是色住是中已復念水界住是中故便能更念大雲輪界知彼雲輪所從來處唯因緣生雨從何來亦復如是觀彼行處皆分別知是中有雲無雲有雨無雨皆如是知但從因緣生出諦事作如是入住是中已因放大雨彼二和合潤洽大地所有卉木樹林衆物如是一切皆依大地以水潤澤彼得生長有智之人取彼草木及加功力火遂得生彼火生已然其自體所生之處是中火業還自燒彼本生草木況復餘物是故阿字得名爲火亦名爲怨而彼復以地在水上故言地界是地所有叢林樹木以水潤之故得增長然後出火彼火因風轉更增盛

而彼菩薩復作是念斯皆作法所謂因地出火而住虛空是火及風二共和合故知此等但有生滅見生滅已得二神通而彼風輪即第四大非色法故眼不能見彼唯觸故是身所知耳不能聞餘無所覺不可執持上行於空中下迫於地飛沙走石散土揚塵世間愚癡

短二九唐

憶想分別言黃黑風此來彼去而實彼風不可覩見何以故彼風從空因緣而生無住處故憍尸迦如是次第風界不可見依彼虛空無有邊際故謂之大是中菩薩依於虛空取彼風相觀見自身無有身分知身無分即是實智得彼智已入於風界處風界時除去一切皮肉筋骨解脫衆縛無有住處如空中風隨所欲作神通變化如意即成於彼風中無覺知想何以故心風和合久熏修故復作是念此虛空中都無所有無可依處云何執著如是念時隨欲生處即得往生彼能如是攝持具足於中不著亦不被縛雖生惡趣正念

現前若生若死如是等處以心風故分別生死而於生死亦不覺知如彼風界不可攝持不可執捉不可眼見不可心知不可智證不可言說四大事業皆悉如是以無邊心如是覺知云何無邊謂佛如來於真實中不說諸界彼諸法中具足而有希有之法然無說者復次憍尸迦若諸菩薩有如是等勝神通者名得神通心得自在云何名爲心自在也彼心能得自在用故復以何義心得自在知此四大無識無心是頑礙法徧一切處無際無邊然而彼心復能入是無心法中分別稱量如彼地界頑礙無邊是中能生種種草木枝葉華果復有種種寶樹寶柱復有種種衆生依住即於彼中復有可見不可見者所謂地界依水水界依火火依於風如是一切皆悉稱量是中地界者所謂皮肉筋骨爪齒乃至髮毛等水界者所謂淚汗膿血洟唾乃至大小便利等火界者所謂暖熱溫煩乃至自惱

惱他今食消熟等風界者所謂語言出息入息乃至屈伸往來等如是一切彼皆分別既分別已而復思惟今此四大無有邊量世間衆生知見此身則有邊量云何得言無量無邊而復名爲有量有邊也彼復思惟今此諸界無邊量者以彼心界無有邊故令是業行

短二

十

亦無有邊乃至願智證作語言皆亦無邊何以故以彼本來無生無邊故若彼未轉生死衆生或時可作如是分別有邊量也彼復思惟如此諸大四種界聚無邊攝持是故我今應當發彼無邊神通亦應成就無邊神通亦成就彼無邊智業乃至成就所有種種無邊

力無畏等現彼種種神通教化阿難時彼放光如來復告天帝釋言憍尸迦若當用是三昧豈不得彼一切智也天帝釋言世尊如是法中得心自在故

佛言憍尸迦汝先所問何等三昧能生智業者憍尸迦復有三昧名建立上昇此諸菩薩摩訶薩等於彼林中入此三昧入三昧已斯諸菩薩而出上故故言昇上亦是如來方便語言增長如來方便語增長已能於如來一切巧妙方便事中無不持者無不入者無不覺者彼既覺已即於一切世間所有有爲相續諸行法中起不樂想憍尸迦云何於彼起

短二

十一

不樂想是處無一衆生能無過者皆以有過故後時受罰帝釋復言世尊罰何事也

佛告憍尸迦此義可知而不可說何以故我今不可爲是衆生具說斯事唯應爲是諸衆生等略論斯耳憍尸迦如來世尊具略說法唯於世界假名處行非爲第一真實義也憍

尸迦汝於先世大樹善根而未顯發猶如猛火在深坑中厚土覆上亦難顯現憍尸迦於意云何彼火雖盛被土覆時得爲火業焚燒用不不也世尊彼火既覆無所能爲佛言憍尸迦汝應思惟如來所說三種言教業藏法門具足分別憍尸迦汝當思念如來世尊師子奮迅三昧憍尸迦汝今應念寶火如來應供正徧覺出濁惡世汝於爾時已種善根方便果報於彼衆中得爲第六菩薩摩訶薩阿難爾時彼天帝釋從佛得聞往昔之事即能憶念過去九億諸如來所發菩提心行菩薩事憶念是已生大歡喜由諸如來熏修力故勤行不息法義不斷故今問佛而得加持阿難時天帝釋即從座起偏袒右臂右膝著地合掌向佛而說偈曰

誰知佛教者 入此揔持門 誰能分別間巧方便無礙 知時而爲說 非時聖不言
善達時宜趣 如來開法眼

阿難時彼帝釋憶念過去九億佛所諸願行事了了分明猶夢所覩盡曾更事皆能憶知此亦如是過去所有一切事業分明了知無所疑惑所謂彼時住處皆悉覺知及彼色相所作事亦皆了知乃至彼時思惟分別諸所作事亦皆了知不作邊界彼時復作如是憶念夢從何生彼即思惟知從緣生爾時天帝釋既知此夢從緣生已耶以如夢中想觀觀彼世間見過去世種種往事如是知已更以過去夢觀方便思惟稱量稱量何事謂我所覺我所覺者我及衆生處處流轉輪迴大苦如是受已復以現在方便悉皆觀見過去

短二 十二 唐

世時有如是事而於彼等諸如來所成就善根滿菩提道彼所作事所謂過去名等此亦可得若可得者而我彼身今在何處又彼過去諸佛生身復在何處亦於彼時有諸聲聞得漏盡者身及神通功德勝事復在何處若無如是名事處者如來世尊何因論說是故

定知過去爲有彼復思惟我今自可以所思念請問如來決斷疑網

阿難時彼如來知天帝釋心有疑念即復告言汝憍尸迦生是念者可謂疑惑未盡除故憍尸迦汝向可不如彼夢想憶知此事耶然彼夢事既不可得唯見生昔曾所更事而言

說耳憍尸迦汝若如夢而知如佛如來說於往昔所經之事定如是解如是持者是爲執著云何執著所謂念過去事不可於過去事中而生執想何以故彼但是無是故不可於彼無中而生愛著汝今已於無法生分別者憍尸迦如是一切義於中思惟分別所起所說之處所有依著皆不可得應如是說如彼過去事皆是無今唯以智知彼曾有而過去實無然此三世其義已汝云何已決所謂世者世也是故汝等於是法中應知印相云何印相比此義真實不可破壞我爲汝等如是種種開發顯示此有無義汝亦不可以世辯問

是中唯應須作如是言教事也今汝等爲何事故在佛前坐而汝等本爲次第入我方便說中云何於今更生疑網憍尸迦汝今猶於如來所說法處決定施作穢濁事耶憍尸迦汝等莫於如來法中施造穢濁何以故諸佛如來應供正徧覺所說清淨無有穢濁

阿難彼天帝釋復白放光佛言世尊我於此座聞是方便微妙譬喻生此疑心如如來說雖然而我復疑我等前在須彌山頂於佛所說我思念時有一經典名曰曠女來現在心以是因緣我得承佛勝大威神故於今者敢興斯問如世尊說夢想譬喻知此事已除斷我等過去所有一切疑心惟願世尊說是經典令我等聞

佛言憍尸迦汝所問事未可斷者但此億數菩薩少有正問事宜先汝然後得說此修多羅斷汝所疑

又憍尸迦爾今且還須彌山頂既住彼已我

大法炬陀羅尼經卷第十三

隋北天竺三藏法師闍那崛多等譯

卷之三

於彼處化一蓮華名曰珠水天華汝宜少時
住彼根下時天帝釋如是念如來世尊放棄
遣我以我問此曠女經故我於今日當承聖
旨義無違逆

供養法師品第三十

時天帝釋即從坐起至須彌山頂住彼處已復作是念我今且住自宮聽佛世尊垂慈念

我我當歸敬

十一

大法炬陀羅尼經卷第十二

天矩

溺沒奴的反絳音降指頃領下傾洽咸夾反卉罰伐髀音博肩也

溺沒奴的反絳音降指頃領下
許鬼反百筋音湊唾上音替
草攜名也筋斤湊唾土卧灰

光佛從天菩薩聞如是語即以神力出大音
聲作如是言如來今者還欲說此三種言教
業藏法門其聲徧此三千大千一切國土及
餘無量無邊世界所有衆生無不聞者時彼
億數諸菩薩衆聞是聲已皆集一處彼大衆
中諸天魔梵及餘無邊諸世界中人天魔梵
一切大衆皆悉雲集以佛力故所作事業咸
皆休息俱發大聲稱南無佛復同唱言頂禮
諸佛爾時諸菩薩摩訶薩衆因言聲故即時
獲得如虛空等願力加持時彼世尊知諸大
衆咸皆大集如是唱已教念彼聲不緣餘事
因是語故憶念思惟即能成就一切佛法